

Մինչ ես այս վրդովմունքի մեջ էի, աչքս դարձրի դեպի այն կողմը, ուր նստած էր ծերունի որսորդը. տեսայ մի թուղթ ընկած էր այնտեղ, մօտենում եմ, – նոյն նամակը:

Ծերունին սաստիկ շտապելով, մոռացել էր իր հետ վեր առնել նամակը: Իմ ուրախութեանը սահման չկար. ես մի քանի րոպե միայն երեխայի հրճանքով շրջում ու շրջում էի ձեռքումս երկծալ թերթը, որի չորս երեսների վրայ սպիտակ տեղ չէր մնացել: Ամբողջապես գրոած էր:

Կարօն տեր Թողիկի դպրոցից փախչելու ժամանակ այնքան չէր սովորած, որ գրել գիտենար: Իսկ այնուհետեւ որտե՞ղ ունել էր նա: Ես առաջ չէի կարողում նամակը, միայն նայում էի նրա վրայ: Երեւում էր, գրիչը խիստ ճարպիկ եւ համարձակ կերպով վազել էր տողերի վրայ, ուր տառերի իւրաքանչիւր գծերից երեւում էր մի հաստատուն ձեռքի ամրութիւն, որ գիտէ տիրապետել գրչին, որպէս իր սրին:

Որքան կարողում էի նամակը, այնքան անելի գրգռում էր իմ հետաքրքրութիւնը: Կարօն նոյնն էր մնացել իր գրութեան մեջ, ինչ որ էր իր խօսակցութեան ժամանակ: Նա խօսում էր խիստ պարզ, առանց գեղաբանութեան եւ հասարակ լեզուով: Նրա պարբերութիւնները շատ կարճ էին, միեւնոյն ժամանակ հասկանալի եւ խորախորհուրդ: Իր նամակի մեջ մնացել էր նա միեւնոյն ոճով: Ինձ առաջին անգամ պատահում էր տեսնել, որ մարդը գրում է այնպէս, որպէս խօսում են: Բայց ինչո՞ւ իմ վարժապետը չէր գրում այնպէս, որպէս մարդիկ խօսում են: Նրա գրածն ինձ համար մնում էր միշտ հանելուկ, չէր կարելի հասկանալ, կարելի էր միայն գուշակել, թէ ինչ էր ուզում ասել:

Կարօյի նամակի մեջ եւս մի քանի տեղեր մնացին ինձ անբացատրելի. նրանց մթին այլաբանական ձեւը, որպէս երեւում էր, պարունակում էր իր մեջ մի գաղտնիք, որ յայտնի էր միայն այն մարդուն, որի անունով ուղարկուած էր նամակը:

Ես կը բերեմ մի քանի կտորներ նոյն նամակից, որ մինչեւ այսօր չեմ մոռացել, որ եւ երբեք մոռանալու չեմ:

«Բարդուղիմէոս առաքելոյ վանահօր հետ տեսնոեցայ: Ես գտայ նրան այնպէս, որպէս յոյս ունէի: Ամէն ինչ պատրաստ էր: Այս արեղային կարելի է կոչել մարդ, որ իր խօսքի տերն է, եւ ո՛չ վարդապետ: Հագոագի՛ւտ բացառութիւն: Մի ամիս առաջ նա սկսել էր ծախել վանքի անելորդութիւնքը, որպէս պատոհիրել էի ես, եւ գոյացած գումարը բաւականացել էր գնելու գործիքներին: Խեղճ գիւղացիներից շատերը սոխ կտտորելու դանակ անգամ չունէին իրանց տանում. այժմ նրա վիճակի մեջ ամէն տղամարդ գէնքեր ունէ: Բոլորը